



Dentro do conxunto de actividades organizadas por ADEGA na Campaña [“Ponte no Medio, Móvete pólo Territorio”](#)

a prol dunha ordenación territorial sustentable, o vindeiro

4 de xuño

desenvolverase na sala de conferencias do Edificio Multiusos de Melide unha xornada dedicada a analizar o papel do monte galego como oportunidade sostible fronte a crise. A actividade está programada conxuntamente coa ORGACCMM (Organización Galega de Comunidades de Montes Veciñais en Man Común) e conta co patrocinio de Vicepresidencia da Deputación da Coruña. Baixa o [Programa \(469 KB\)](#) da actividade.

O acto de presentación terá lugar ás 10 da mañá a cargo da Alcaldesa de Melide, M^a Socorro Cea; o Vicepresidente da Deputación da Coruña, Pablo Villamar; a Vicepresidenta da Organización Galega de Comunidades de Montes, Pilar Santamaría e a Presidenta de ADEGA, Virxinia Rodríguez.

Nunha primeira palestra falarase do **“Monte como xerador de emprego”** desde unha perspectiva histórica. Nela participarán Araceli Freire, premiada recentemente co galardón Xohana Torres polo seu traballo de investigación

“O Monte é noso. Conflitividade social no medio rural galego durante o Franquismo”

; Xosé Antonio Meixide, membro do CFEA-Guísamo, quen falará da

formación

como base para o emprego no monte; Mar Pérez Fra, membro do Departamento de Economía Aplicada da USC, disertará sobre a súa

xestión e conservación

no pasado e os cambios que houbo até os nosos días; e, Xosé Alfredo Pereiras, Presidente da ORGACCMM, abordará a necesidade dunha política sostible do monte como fonte de emprego e de vida.

“O monte sustentable como oportunidade” será o título da segunda palestra. Nela intervirán Xabier Bruña, Vogal de Medio Rural de ADEGA, que analizará a necesidade da defensa da terra e dun uso equilibrado; Eloi Villade de OVICA-CMR que dará conta de modelos

silvopastorais como exemplos de manexo sustentable do monte; e Xosé Manuel Yglesias Espiño, Presidente da CMVMC de Carballo, quen contará a experiencia de posta en valor deste monte comunal de Friol.

A terceira palestra versará sobre **“o monte como vertebrador territorial e social e como axente activo”**

. Sobre esta temática falará entre outros Damián Copena Rodríguez, docente da Universidade de Vigo e autor de varios estudos referidos ás instalacións eólicas nos montes galegos. Un dos comuneiros de Salcedo e Bairán, Felipe Castro, introducirá na mesa de coloquio a cuestión da recuperación etnográfica do monte. Pola súa banda, Xosé Dobarro Casal, Secretario da CMVMC de Zobra, fará fincapé na necesidade de reinvestir no monte como aposta social. E o Presidente da Mancomunidade de Pontecandelas, Alberto Lema, xunto con Santiago Suárez Blanco, expoñerán dous exemplos concretos de usos sustentables no monte, como a lonxa de madeira e parques intermedios e o aproveitamento gandeiro na Serra do Barbanza.

A última palestra contará coas intervencións de representantes dalgunhas **experiencias destacadas**

en

Galiza en canto á xeración de emprego nos montes. Así, participarán desta o titular da explotación gandeira de Celanova, Roberto Álvarez González; Olga Otero Gómez, en representación do modelo asociativo da UXFOR Fonte das Meigas; Fuco Barreiro, membro da cooperativa Monte Cabalar de Val Miñor e Latino Rodríguez, como voceiro da mancomunidade do Val Miñor na que se puxo en marcha unha empresa de servizos.

O peche das xornadas de montes **“O monte: Oportunidade Sustentable fronte a Crise”** virá da man de Xosé Alfredo Pereiras, Presidente da ORGACCMM e de Marcial Barral, vogal de montes de ADEGA.

Proxecto financiado por:

